

Ikhar RAKAN ALAM SEKITAR



BAHAWA KAMI
AHLI RAKAN ALAM SEKITAR
MEMBUAT IKRAR DI SINI
AKAN MENJALANKAN
TUGAS-TUGAS SUKARELAWAN INI
DENGAN SEPENUH HATI

KE ARAH INI KAMI AKAN :-

MENJADI MATA DAN TELINGA
KEPADA AGENSI-AGENCI KERAJAAN YANG BERTANGGUNGJAWAB
DALAM MEMBANTERAS KEGIATAN-KEGIATAN
YANG MEROSAKKAN ATAU MENCEMARKAN ALAM SEKITAR

KAMI JUGA AKAN MENJADI PENGGERAK UTAMA
KEPADA PROGRAM-PROGRAM SERTA KEMPEN-KEMPEN
KESEDARAN ALAM SEKITAR DI KAWASAN KAMI
UNTUK MEMBERIKAN KESEDARAN ALAM SEKITAR
KEPADA SEMUA LAPISAN MASYARAKAT,
UNTUK BERTINDAK DAN MEMGAMBIL BAHAGIAN
MENJAGA ALAM SEKITAR
YANG KITA KONGSI BERSAMA INI

SEMOGA TUHAN MEMBERKATI USAHA INI.



RAKAN ALAM SEKITAR





PROGRAM RAKAN ALAM SEKITAR

PENDAHULUAN

1

Tindakan Penguatkuasaan yang sedang dijalankan oleh Jabatan Alam Sekitar, Kementerian Sumber Asli dan Alam Sekitar dengan bilangan anggota penguatkuasa serta kelengkapan peralatan yang terhad tidak dapat merangkumi setiap punca pencemaran yang ada di negara ini dengan cukup berkesan. Dalam pada itu aktiviti-aktiviti kesedaran alam sekitar pula yang telah dilaksanakan setakat ini yang diharap dapat melengkapkan program-program penguatkuasaan tidak dapat menjangkau seluas-luasnya meliputi semua kumpulan sasaran untuk menggerakkan setiap individu anggota masyarakat supaya benar-benar menghayati dan turut bersama-sama bertanggungjawab memelihara alam sekitar, sekaligus mencegah pencemaran dari berlaku. Oleh yang demikian, Kementerian Sumber Asli dan Alam Sekitar ingin melangkah ke era baru mengubah pendekatan yang kini digunapakai dalam melaksanakan program-program kesedaran alam sekitar ini.





2

Kementerian Sumber Asli dan Alam Sekitar berhasrat memperkenalkan satu program baru Rakan Alam Sekitar dalam usahanya berterusan membangunkan kesedaran dan menggerakkan anggota masyarakat dalam aktiviti pemuliharaan alam sekitar.

PROGRAM RAKAN ALAM SEKITAR

3

Program Rakan Alam Sekitar merupakan satu program yang direkabentuk supaya mempunyai unsur-unsur pemantauan, pelaksanaan dan maklumbalas keberkesanan aktiviti dan yang paling penting penglibatan secara “hands-on” atau fizikal oleh anggota masyarakat untuk membantu agensi-agensi kerajaan yang bertanggungjawab dalam membanteras kegiatan-kegiatan yang merosakkan atau mencemarkan alam sekitar. Bagi memantapkan lagi program Rakan Alam Sekitar ianya akan dijalankan di setiap kawasan Parlimen.





JAWATANKUASA PROGRAM RAKAN ALAM SEKITAR

4

Bagi merancang dan melaksanakan semua aktiviti Program Rakan Alam Sekitar, dicadangkan ditubuhkan Jawatankuasa Rakan Alam Sekitar Peringkat Parlimen. YB Menteri Sumber Asli dan Alam Sekitar akan melantik Pengerusi untuk mempengerusikan Jawatankuasa Program Rakan Alam Sekitar di setiap kawasan Parlimen. Jawatankuasa ini akan diurusetia oleh Jabatan Alam Sekitar Negeri atau Jabatan Pengairan dan Saliran Negeri. Ahli-ahli Jawatankuasa terdiri daripada wakil Pihak Berkuasa Tempatan, Jabatan Pengairan dan Saliran, Badan Bukan Kerajaan, Persatuan Penduduk Tempatan dan individu-individu tertentu yang dilantik. Jawatankuasa Rakan Alam Sekitar antara lain:

- Bertindak sebagai 'mata dan telinga' melaporkan masalah/ menyampaikan maklumat mengenai pencemaran atau kerosakan alam sekitar kepada agensi-agensi kerajaan bertanggungjawab supaya tindakan pembetulan ataupun pencegahan dapat dijalankan dengan lebih pantas dan berkesan; dan
- Sebagai penggerak utama kepada program-program serta kempen-kempen kesedaran alam sekitar di kawasan Parlimen masing-masing dengan melibatkan kumpulan-kumpulan sasaran tertentu mengikut kepakaran setempat, juga menggembleng tenaga dan kepakaran pertubuhan-pertubuhan bukan kerajaan (NGOs) berkaitan alam sekitar bagi memantapkan interaksi bersama anggota masyarakat di kawasan terbabit.



5

Kementerian Sumber Asli dan Alam Sekitar akan menyalurkan sejumlah RM 30,000 setahun secara terus kepada Jawatankuasa Rakan Alam Sekitar bagi membiayai program Rakan Alam Sekitar untuk mencapai objektif-objektif berikut:

- (i) memberikan kesedaran alam sekitar di setiap lapisan masyarakat;
- (ii) menanamkan rasa tanggungjawab di kalangan masyarakat untuk bertindak dan mengambil bahagian dalam menjaga alam sekitar yang dikongsi bersama; dan
- (iii) menyediakan saluran yang tepat bagi masyarakat untuk membuat aduan/pandangan mengenai alam sekitar kepada agensi-agensi kerajaan berkenaan.

Fungsi dan keanggotaan Jawatankuasa Rakan Alam Sekitar adalah seperti di **LAMPIRAN 1**.

6

Di peringkat Persekutuan pula, Jawatankuasa Rakan Alam Sekitar akan dipengerusikan oleh YB Menteri Sumber Asli dan Alam Sekitar untuk membantu dan memantau aktiviti-aktiviti yang dijalankan oleh Jawatankuasa Rakan Alam Sekitar Peringkat Parlimen.





PROSEDUR PELAKSANAAN

7

Bagi mencapai objektif (i) dan (ii), program-program/aktiviti-aktiviti kesedaran alam sekitar yang sedang dikendalikan oleh agensi-agensi di bawah Kementerian Sumber Asli dan Alam Sekitar di kawasan Parlimen terbabit akan dipantau dan dinilai keberkesanannya oleh Jawatankuasa ini. Program-program kesedaran ini juga akan dapat diperluaskan kepada semua kawasan Parlimen. Ini termasuk program-program seperti:

- (i) Sekolah Lestari;
- (ii) Bandar Lestari;
- (iii) Kem Kesedaran Alam Sekitar;
- (iv) Projek Wira Alam;
- (v) Pameran alam sekitar; dan
- (vi) Aktiviti-aktiviti kesedaran alam sekitar lain.





8

Bagi mencapai objektif (iii) pula Kementerian Sumber Asli dan Alam Sekitar telah menyediakan risalah berupa satu Pelan Tindakan Bersama Rakan Alam Sekitar untuk menerangkan dan memperincikan prosedur pelaksanaan kerja-kerja pemantauan dan penguatkuasaan pencemaran alam sekitar. Pencemaran yang dimaksudkan dan perlu ditangani oleh Kementerian Sumber Asli dan Alam Sekitar adalah seperti berikut:

- (i) pelepasan air buangan dari kilang;
- (ii) pelepasan asap hitam yang berlebihan dari kilang;
- (iii) pelepasan gas (berwarna, berbau, memedihkan mata dan sebagainya);
- (iv) bunyi bising berlebihan;
- (v) pencemaran dari projek pembangunan;
- (vi) pencemaran dari pelupusan buangan terjadual;
- (vii) pelupusan bahan buangan toksik secara haram.

Pelaporan

9

Jawatankuasa Rakan Alam Sekitar Peringkat Parlimen perlu melaporkan aktiviti-aktiviti yang dijalankan serta perbelanjaan setiap enam (6) bulan. Laporan ini hendaklah dikemukakan kepada Ketua Pengarah Jabatan Alam Sekitar mengikut format pelaporan seperti dalam **LAMPIRAN 2**.



LAMPIRAN 1

FUNGSI DAN KEANGGOTAAN JAWATANKUASA RAKAN ALAM SEKITAR PERINGKAT PARLIMEN

Pengurusan Jawatankuasa Rakan Alam Sekitar (JKRAS) Peringkat Parlimen berlandaskan kepada fungsi seperti berikut:

- (i) Memberi nasihat kepada Jabatan Alam Sekitar Negeri mengenai perkara-perkara yang berkaitan dengan pencemaran dan kesedaran alam sekitar;
- (ii) Membantu dalam mengenal pasti isu dan masalah alam sekitar di peringkat kawasan Parlimen dan mencadangkan tindakan penyelesaiannya;
- (iii) Memberi nasihat mengenai program-program kesedaran alam sekitar yang perlu diberi keutamaan;
- (iv) Bertindak sebagai pakar rujuk dalam bidang kesedaran alam sekitar di peringkat kawasan Parlimen;
- (v) Menyelaras, memantau dan menilai pelaksanaan program dan aktiviti kesedaran alam sekitar di kawasan Parlimen;
- (vi) Membantu menggembeng pertubuhan-pertubuhan bukan kerajaan (NGOs), pertubuhan sukarela alam sekitar serta sektor swasta untuk bekerjasama dengan Jabatan Alam Sekitar Negeri bagi menjayakan program dan aktiviti yang telah dikenalpasti; dan
- (vii) Bertukar dan berkongsi maklumat serta pengalaman di antara ahli JKRAS di kawasan Parlimen yang berkenaan dengan kawasan Parlimen lain.



KEANGGOTAAN

Keanggotaan JKRAS terdiri daripada pemimpin masyarakat dan pentadbir tempatan.

PENGERUSI

Pengerusi dilantik oleh YB Menteri Sumber Asli dan Alam Sekitar.

TIMBALAN PENGERUSI

Timbalan Pengerusi dilantik oleh Pengerusi daripada kalangan pemimpin masyarakat tempatan yang sesuai seperti pemimpin politik, NGOs dan sebagainya.

SETIAUSAHA

Pengarah Jabatan Alam Sekitar atau Jabatan Pengairan dan Saliran dilantik oleh Pengerusi sebagai Setiausaha mengikut kawasan Parlimen masing-masing.

AHLI-AHLI

Ahli-ahli JKRAS dilantik oleh Pengerusi masing-masing mengikut kriteria seperti berikut:

- (i) Pemimpin masyarakat tempatan seperti ahli politik, NGOs dan sebagainya dari kalangan pelbagai kaum dan jantina;
- (ii) Wakil agensi kerajaan yang berkaitan dalam pemeliharaan alam sekitar;
- (iii) Wakil sektor korporat/swasta;
- (iv) Individu-individu yang boleh memberi sumbangan dalam pemeliharaan alam sekitar.



LAMPIRAN 2

Laporan Aktiviti dan Perbelanjaan Jawatankuasa Rakan Alam Sekitar Peringkat Parlimen

1. Aktiviti-Aktiviti (Januari-Jun/Julai-Disember

- (i) Bilangan mesyuarat
- (ii) Bilangan aktiviti kesedaran:
 - (a) kempen
 - (b) ceramah
- (iii) Bilangan laporan kejadian pencemaran
- (iv) Lawatan ke punca pencemaran

2. Perbelanjaan (Januari-Jun/Julai-Disember

- (v) Bilangan mesyuarat
- (vi) Bilangan aktiviti kesedaran :
 - (a) kempen
 - (b) ceramah
- (vii) Bilangan laporan kejadian pencemaran
- (viii) Lawatan ke punca pencemaran

3. Masalah/Isu

4. Cadangan Penambahbaikan

.....
(Tandatangan Setiausaha)
Tarikh:


.....
(Tandatangan Pengerusi)
Tarikh:



Rasional Logo

Konsep

Harmoni simbol Bumi, Manusia dan ekosistem dalam setitik embun yang melambangkan alam sekitar lestari adalah tonggak program. Warna Biru melambangkan kedamaian.



1. Peranan unit keluarga/masyarakat yang bersatu padu dalam usaha memelihara dan memulihara alam sekitar.



2. Dedaun dalam dwi-warna hijau melambangkan ekosistem dan kesegaran flora.



3. Jalinan warna-warni pelangi melambangkan keceriaan alam maya dan kesejahteraan hidup.

RAKAN ALAM SEKITAR

4. Nama Program melambangkan ketegasan bagi merealisasikan program.

